



საქართველო

ქალაქ ფოთის მუნიციპალიტეტის საკრებულოს თავმჯდომარის
ბრძანება



№ 45

„12“ 02 2018 წელი, ქალაქი ფოთი

ქალაქ ფოთის მუნიციპალიტეტის საკრებულოს აპარატის მატერიალურ-ტექნიკური უზრუნველყოფის განყოფილების მეორე კატეგორიის უფროსი სპეციალისტის (მე-3 რანგი) ვაკანტურ თანამდებობაზე ღია კონკურსის გამოცხადების, საკონკურსო კომისიის შექმნისა და გასატარებელი ღონისძიებების შესახებ

„საჯარო სამსახურის შესახებ“ საქართველოს კანონის 35-ე მუხლის პირველი პუნქტის, „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილებით დამტკიცებული წესის მე-6 მუხლის პირველი პუნქტის შესაბამისად, საჯარო დაწესებულება მოხელის ვაკანტური თანამდებობის დასაკავებლად კონკურსს აცხადებს სსიპ საჯარო სამსახურის ბიუროს მიერ ადმინისტრირებული ვებგვერდის მეშვეობით.

„საჯარო სამსახურის შესახებ“ საქართველოს კანონის 126¹-ე მუხლის პირველი და მე-5 პუნქტების შესაბამისად, გარდამავალ პერიოდში (2017 წლის 1 ივლისიდან 2018 წლის 31 დეკემბრამდე) საჯარო დაწესებულება უფლებამოსილია პირველი, მეორე და მესამე რანგების ვაკანტური თანამდებობების დასაკავებლად გამოაცხადოს ღია კონკურსი ამ კანონით დადგენილი წესით.

„საჯარო სამსახურის შესახებ“ საქართველოს კანონის მე-13 მუხლის შესაბამისად, საქართველოს ყველა მოქალაქისათვის უზრუნველყოფილი უნდა იყოს საჯარო სამსახურში შესვლის თანაბარი შესაძლებლობა, მათი უნარის, კვალიფიკაციისა და პროფესიული მომზადების შესაბამისად. ამდენად, მიზანშეწონილია, ქალაქ ფოთის მუნიციპალიტეტის საკრებულოს აპარატის მატერიალურ-ტექნიკური უზრუნველყოფის განყოფილების მეორე კატეგორიის უფროსი სპეციალისტის (მე-3 რანგი) ვაკანტურ თანამდებობაზე გამოცხადდეს ღია კონკურსი.

„საჯარო სამსახურის შესახებ“ საქართველოს კანონის 37-ე მუხლის პირველი პუნქტის, „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილებით დამტკიცებული წესის მე-14 მუხლის პირველი და მე-2 პუნქტების შესაბამისად, კონკურსის ჩატარების უზრუნველსაყოფად საჯარო დაწესებულებაში იქმნება შესაბამისი კომისია. კომისია იქმნება საჯარო დაწესებულების ხელმძღვანელის მიერ განსაზღვრულ ვაკანტურ პოზიციებზე კანდიდატთა შერჩევის მიზნით. საჯარო დაწესებულების ხელმძღვანელი კომისიის თავმჯდომარედ ნიშნავს ამ საჯარო დაწესებულებაში პირველი ან მე-2 რანგის პროფესიულ საჯარო მოხელეს. ამდენად, მიზანშეწონილია შეიქმნას საკონკურსოს კომისია და კომისიის თავმჯდომარედ დაინიშნოს საკრებულოს აპარატის პირველადი

სტრუქტურული ერთეულის ხელმძღვანელი (პირველი რანგი)- საკრებულოს აპარატის უფროსი ლელა ჩიჩუა.

„საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილებით დამტკიცებული წესის მე-15 მუხლის შესაბამისად, კომისიის წევრთა რაოდენობასა და შემადგენლობას განსაზღვრავს კომისიის თავმჯდომარე აუცილებელი საჭიროების გათვალისწინებით, ვაკანტური თანამდებობის სპეციფიკიდან გამომდინარე. კომისიის შემადგენლობაში შედიან შესაბამისი საჯარო დაწესებულების ადამიანური რესურსების მართვის ერთეულის წარმომადგენელი, საჯარო დაწესებულების იმ სტრუქტურული ერთეულის წარმომადგენელი, რომელშიც არის შესაბამისი ვაკანტური თანამდებობა, მოხელეთა დარგობრივი პროფესიული კავშირის (მისი არსებობის შემთხვევაში) წარმომადგენელი და დამოუკიდებელი მოწვეული სპეციალისტი ან/და შესაბამისი დარგის სპეციალისტი, რომელიც სამსახურებრივად დაკავშირებული არ არის ამ საჯარო დაწესებულებასთან. კომისიის საქმიანობაში, კომისიის თავმჯდომარის გადაწყვეტილებით, ხმის უფლების გარეშე, შესაძლებელია ჩაერთოს საჯარო დაწესებულების გენდერზე პასუხისმგებელი პირი. ამდენად, ზემოხსენებული მოთხოვნების გათვალისწინებით ქალაქ ფოთის მუნიციპალიტეტის საკრებულოს აპარატის პირველადი სტრუქტურული ერთეულის ხელმძღვანელმა (პირველი რანგი)- საკრებულოს აპარატის უფროსმა, საკონკურსო კომისიის თავმჯდომარემ ლელა ჩიჩუამ ბრძანებით განსაზღვროს საკონკურსო კომისიის შემადგენლობა.

ყოველივე ზემოაღნიშნულიდან გამომდინარე, ქალაქ ფოთის მუნიციპალიტეტის საკრებულოს აპარატის მატერიალურ-ტექნიკური უზრუნველყოფის განყოფილების მეორე კატეგორიის უფროსი სპეციალისტის (მე-3 რანგი) ვაკანტურ თანამდებობაზე ღია კონკურსის გამოცხადებასთან დაკავშირებით უნდა გატარდეს საქართველოს კანონმდებლობით დადგენილი ღონისძიებები.

აღნიშნულიდან გამომდინარე ვ ბ რ ძ ა ნ ე ბ:

მუხლი 1.

- ქალაქ ფოთის მუნიციპალიტეტის საკრებულოს აპარატის მატერიალურ-ტექნიკური უზრუნველყოფის განყოფილების მეორე კატეგორიის უფროსი სპეციალისტის (მე-3 რანგი) ვაკანტურ თანამდებობაზე გამოცხადდეს ღია კონკურსი სსიპ საჯარო სამსახურის ბიუროს მიერ ადმინისტრირებული ვებგვერდის (www.hr.gov.ge) მეშვეობით.
- ქალაქ ფოთის მუნიციპალიტეტის საკრებულოს აპარატის მატერიალურ-ტექნიკური უზრუნველყოფის განყოფილების მეორე კატეგორიის უფროსი სპეციალისტის (მე-3 რანგი) ვაკანტურ თანამდებობაზე კონკურსის გამოცხადდებასთან დაკავშირებით შეიქმნას საკონკურსო კომისია, კომისიის თავმჯდომარედ დაინიშნოს ქალაქ ფოთის მუნიციპალიტეტის საკრებულოს აპარატის პირველადი სტრუქტურული ერთეულის ხელმძღვანელი (პირველი რანგი)- საკრებულოს აპარატის უფროსი ლელა ჩიჩუა.
- „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილებით დამტკიცებული წესის მე-15 მუხლის მოთხოვნების გათვალისწინებით ქალაქ ფოთის მუნიციპალიტეტის საკრებულოს აპარატის პირველადი სტრუქტურული ერთეულის ხელმძღვანელმა (პირველი რანგი)- საკრებულოს

აპარატის უფროსმა, საკონკურსო კომისიის თავმჯდომარემ ლელა ჩიჩუამ ბრძანებით განსაზღვროს საკონკურსო კომისიის შემადგენლობა.

4. „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილებით დამტკიცებული წესის მე-19 მუხლის პირველი პუნქტის შესაბამისად, განისაზღვროს კონკურსის ეტაპები:

ა) კონკურსში მონაწილეობისათვის წარდგენილი განაცხადების ძირითად ფორმალურ მოთხოვნებთან შესაბამისობის დადგენა;

ბ) კანდიდატის შეფასება;

გ) კონკურსის შედეგების გამოცხადება.

5. „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილებით დამტკიცებული წესის მე-19 მუხლის მე-2 პუნქტის შესაბამისად, საკონკურსო კომისიამ განსაზღვროს კონკურსის პირობები, კანდიდატის შეფასების ფორმები და ჩატარების გრაფიკი და სხვა.

6. „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილებით დამტკიცებული წესის მე-19 მუხლის მე-4 პუნქტის შესაბამისად, კონკურსის ორგანიზებულად ჩატარება უზრუნველყოს საკრებულოს აპარატის საქმისწარმოების განყოფილებამ(საჯარო დაწესებულების ადამიანური რესურსების მართვის ერთეული).

7. „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილებით დამტკიცებული წესის მე-20 მუხლის მე-2 პუნქტის შესაბამისად, კონკურსში მონაწილეობისათვის წარდგენილი განაცხადების ძირითად ფორმალურ მოთხოვნებთან შესაბამისობის დადგენა, კომისიის დავალებით, უზრუნველყოს საქმისწარმოების განყოფილებამ(საჯარო დაწესებულების ადამიანური რესურსების მართვის ერთეული).

8. „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილებით დამტკიცებული წესის მე-20 მუხლის მე-3 პუნქტის შესაბამისად, საქმისწარმოების განყოფილებამ(საჯარო დაწესებულების ადამიანური რესურსების მართვის ერთეული), განცხადებების წარდგენისათვის განსაზღვრული ვადის ამოწურვიდან არაუგვიანეს 3 სამუშაო დღის ვადაში დაადგინოს განაცხადების ძირითად ფორმალურ მოთხოვნებთან შესაბამისობა, ზემოაღნიშნული ვადა ობიექტური მიზეზების გამო შეიძლება გაიზარდოს 10 სამუშაო დღემდე.

9. „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილებით დამტკიცებული წესის მე-20 მუხლის მე-4, მე-5, მე-6 პუნქტების შესაბამისად:

ა) განაცხადების ძირითად ფორმალურ მოთხოვნებთან შესაბამისობის დადგენის შედეგები საქმისწარმოების განყოფილებამ(საჯარო დაწესებულების ადამიანური რესურსების მართვის ერთეული) წარუდგენოს საკონკურსო კომისიას, რაც ფორმდება შესაბამისი საოქმო ჩანაწერით და დასტურდება კომისიის წევრების ხელმოწერით.

ბ) კონკურსის მომდევნო ეტაპამდე 7 სამუშაო დღით ადრე საკონკურსო კომისია ვალდებულია ელექტრონულად ან/და წერილობით აცნობოს კანდიდატს მის მიერ წარდგენილი განაცხადის მირითად ფორმალურ მოთხოვნებთან შეუსაბამობის შესახებ.

- გ) კანდიდატის მოთხოვნის შემთხვევაში კომისია ვალდებულია კანდიდატისათვის გაგზავნილ გადაწყვეტილებაში მიუთითოს მისი განაცხადის ძირითად ფორმალურ მოთხოვნებთან შეუსაბამობის მიზეზი.
10. „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილებით დამტკიცებული წესის მე-21 მუხლის შესაბამისად:
- ა) კონკურსის მეორე ეტაპის დროს კანდიდატის შეფასება განხორციელდეს სპეციალური და დამატებითი საკვალიფიკაციო მოთხოვნების შესაბამისად;
 - ბ) კანდიდატის შეფასება უნდა ემყარებოდეს კანდიდატის სამუშაო გამოცდილებისა და მისი პროფესიული ცოდნის პროფესიული საჯარო მოხელის ვაკანტური თანამდებობისათვის გათვალისწინებულ სამუშაო აღწერილობასთან, სპეციალურ და დამატებით მოთხოვნებთან და კვალიფიკაციასთან შესაბამისობის დადგენას;
 - გ) კომისიის გადაწყვეტილებით კანდიდატის შეფასება განხორციელდეს : 1. წერითი ან/და ზეპირი დავალების მიცემით; 2. გასაუბრებით; 3. შესამლებელია საქართველოს კანონმდებლობით გათვალისწინებული შეფასების სხვა ფორმების გამოყენება, რაც გულისხმობს შესაბამისი ვაკანტური თანამდებობის სამუშაო აღწერილობის სპეციფიკიდან გამომდინარე აუცილებელი მოთხოვნების გადამოწმებას;
 - დ) კომისიამ პროფესიული საჯარო მოხელის ვაკანტური თანამდებობის დასაკავებლად კონკურსის გამოცხადებისას განსაზღვროს კანდიდატის შეფასების ფორმები და აცნობოს სსიპ საჯარო სამსახურის ბიუროს;
 - ე) კომისიის მიერ კანდიდატის შეფასების დასაბუთებული შედეგი აისახოს კომისიის სხდომის ოქმში;
 - ზ) კომისიის სხდომის ოქმი მისი შედგენიდან არაუგვიანეს 5 სამუშაო დღისა წარედგინოს პროფესიული საჯარო მოხელის ვაკანტურ თანამდებობაზე დანიშვნის უფლების მქონე პირს;
 - თ) კანდიდატის თანხმობის შემთხვევაში, გასაუბრებაზე შეიძლება განხორციელდეს გასაუბრების აუდიო-ვიდეო ჩაწერა.
11. „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილებით დამტკიცებული წესის მე-22 მუხლის შესაბამისად:
- ა) საკონკურსო კომისიამ პროფესიული საჯარო მოხელის ვაკანტურ თანამდებობაზე დასანიშნად წარადგინოს საუკეთესო კანდიდატი ან უარი განაცხადოს კანდიდატის წარდგენაზე.
 - ბ) საკონკურსო კომისიამ შესაბამისი გადაწყვეტილების მიღებიდან არაუგვიანეს 5 სამუშაო დღისა თითოეულ კანდიდატს ელექტრონულად ან/და წერილობით აცნობებს მის მიმართ მიღებული გადაწყვეტილების შესახებ.
 - გ) საქმისწარმოების განყოფილებამ(საჯარო დაწესებულების ადამიანური რესურსების მართვის ერთეული) კონკურსის შედეგების შესახებ ინფორმაცია ასახოს სსიპ საჯარო სამსახურის ბიუროს მიერ ადმინისტრირებული ვებგვერდის შესაბამის მოდულში.
12. ქალაქ ფოთის მუნიციპალიტეტის საკრებულოს აპარატის საკონკურსო კომისიამ განახორციელოს „საჯარო სამსახურის შესახებ“ საქართველოს კანონით, „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის


21 აპრილის №204 დადგენილებით და მოქმედი სამართლებრივი აქტებით დადგენილი ღონისძიებები.

მუხლი 2.

- „ადგილობრივი თვითმმართველობის კოდექსის“ საქართველოს ორგანული კანონის 62-ე მუხლის, საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, ბრძანება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).
- ბრძანება ძალაშია 2018 წლის 22 თებერვლიდან.

საკრებულოს თავმჯდომარე

ირაკლი კაკულია



შემსრულებელი:

იურიდიული განყოფილება,

საქმისწარმოების განყოფილება.